

0216

QEEJ

Hmong Cultural Center of Minnesota
A Non-profit Organization
995 University Avenue West
Suite 214
St Paul, MN 55104



0.1.c - Hmong Language - Book Materi...

Hmong Cultural Center



1300384

Qeej (DOES NOT CIRCULATE)


COPY @ 1999. ALL RIGHTS RESERVED.
UNAUTHORIZED DUPLICATION & PUBLICATION
PROHIBITED.

Written by
Tougeu Leepalao


For library use only

QEEJ MUAJ 6 NTIV, MUAJ NPE LINO

1-Ntiv Luav



2-Ntiv Txug



3-Ntiv Xees



4-Ntiv Tsuj



5-Ntiv Npug



6-Ntiv Tw



Hmong Cultural

Center

Tougeu leepalao.

Phau piav txog qeej hmoob xws li.

- 1/- ntiv qeej.. tshuab ntiv qeej.
- 2/- tshuab. Cais ntiv qeej.
- 3/-Cais mus ua nyuj tuag luav nce
mus ua tuag maum xees.
- 4/- tshuab zaj qeeg (zaj qeej)
- 5/-cais zaj qeej rov los ua nuj nrws
- 6/-tshuab zaj qeej tu siav.
- 7/-Tshuab zaj qeej tsa nees.
- 8/-Tshuab zaj qeej.tshais,su,hmo
- 9/-tshuab zaj qeej hlawv ntawv.
- 10/-Tshuab zaj qeej sawv kev.

Tougeu leepalao.



Ntiv Qeej

Page 1

1-	Rum	Lo	Los	Lom	Liv	Loo
2-	Rud	Los	Leev	Laub	Leeb	Leeb
3-	Rod	Lolo	Leev	Lo	Lo	Lo
4-	Rov	Los	Lom	Nrob	Nrob	Nrob
5-	Lod	Loglo	Lom	Rog	Ib	Lom
6-	Rod	Lojleev	Liv	Lum	Ti	Ti
7-	Rud	Lujleev	Lo	Rom	Rom	Rom
8-	Rom	Nrob	Lo	Rog	Nrog	Lo
9-	Rud	Log	Ib	Lom	Lom	Lom
10-	Lom	Rudiud	Lob	Lum	Dob	Dob

Ntiv Qeej

Page 2

2

	1.		Lulud		Lo		Leev		Lod		Rom		
2	2.		Rom		Nrob		Lo		Rog		Nrog		LO
3	3.		Rom		Los		Lod		Laud		Leev		To
4	4.		Rod		Loglog		Lod		Rog		Ib		Lom
5	5.		Rud		Looloo		Deev		Lum				
6	6.		Rud		Lujleev		Lum						
7	7.		Rud		Lum		Rud		Tom		Logleev		Lo
8	8.		Ib		Hlob		Lo						
9	9.		Rug		Log		Rod		Lo				
10	10.		Rud		Lum		Rud		Lujleev		Lo		Rom

Ntiv Qeej

Page 3


3

1.		Vws		Rud		Lujloo
2.		Lud		Rwg		Ib
3.		Los		Nud		Lom
4.		Los		Tus		Tw
5.		Teg		Lujleev		Doom
6.		Rud		Lum		Tw
7.		Lujleev		Ploom		Lom
8.		Lujleev		Lum		Tw
9.		Luj		Rom		Lom
10.		Nw		Nw		Nw

Hmong Cultural Center 01.95


OK

Cais ntiv Qeej



Cais mus ua nuj nrws


Page 1






Tuag maum xees

Page 1






Cais zai Qeej Page E





Cais mus ua nyuj tuag luav rov ua nuj nrws Page 1





Kuv



koj



nws



Wb



Neb



nkawd



Peb



Nej



lawv

ZAJ QEEJ

ZAJ QEEJ

TU SIAV

MAJOR TOUGEU LEEPALAO

ZAJ QEEJ TU SIAV (QEEJ HAUV NCOO).

1. Ib yuab! ib yuab! ntiaj teb pes neeg, kooj ziag kab pes zaug yuab mus pom niaj ib tug ntim lub txiaj zag, qas zim pw lis ko tuaj ntawm koj, yuav yog koj los tsis yog, yog koj qas tiag, tig ntsej, tig muag sis zus los mloog qeej sub yua, ntiaj teb nrang qas cai tub txawj nkias yuav ua kooj ziag kab sis zaug laum sis leev yuav tuaj ua koj pag, koj xau ib sub yuav ntiaj teb pes neeg (yog liv sub yua, yom liv sub yuav).
2. Ib yuab ntiaj teb pes neeg, koj niam yuav yug koj sis zus tuaj saum txaj, koj txiv rhaub dej sis zus koj niam haus koj niam yuav yug koj sis zus tuaj saum chaw, koj txiv yuav ua mov sis zus tuaj nruab kaub rau koj niam noj, koj niam yuav yug koj mus thawm niaj, koj txiv yuav yug koj mus thawm xyoo. Txhia niaj mus txhia xyoo, koj mob koj tsis quaj, koj niam koj txiv yuav tsis mus nrhiav tshuaj, txhia niaj mus. txhia xyoo koj mob koj tsis ntshai, koj niam, koj txiv yuav tsis mus ntoj neeb nthuav tsawv rov los saib. Ib xyoo no koj mob koj li quaj, koj niam koj txiv yuav mus nrhiav tshuaj, ib xyoo no koj mob koj li ntshai, koj niam koj txiv yuav mus ntoj neeb nthuav tsawv rov los saib, ua txiav ntawv noj, los noj tag, ntawv haus los haus txhua koj li tuag los mus ib sub yua ntiaj teb pes neeg. (yog liv sub yua, yom liv sub yua).
- 3. Ib yuab! ntiaj teb pes neeg, koj niam yuav yug koj mus thawm niaj, koj txiv yuav yug koj mus thawm xyoo, txhia niaj mus txhia xyoo, koj yuav ntxooj deg

los vwm cawv, ntxooj dab los vwm tuag, koj niam, koj txiv muab nyuj dub, nyuj dag mus txhaws tag, ib xyoo no koj yuav ntxooj deg los vwm cawv ntxooj dab los vwm tuag, koj niam koj txiv muab nyuj dub, nyuj dag mus txhaws tsis tag, yuav yog koj ib leeg thiaj li mus txhaws tag ibsub yua ntiaj teb pes neeg. (yog liv sub, yom liv sub).

4. Ib yuab ntiaj teb pes neeg. Koj niam yuav yug koj mus thawm niaj koj txiv yuav yug koj mus thawm xyoo, ntxwj sib pes nyug siab tsis zoo, tso yuav tau zaj mob dub poob li nthav koj tej hauv ncoo, ua mob sis ntxiag tuaj nruab siab, ua noo sis ntxiag tuaj nruab plawv, koj niam, koj txiv nplooj siab los tsis tuag koj niam, koj txiv yuav mus txib nuj xib, nuj toog tub sis nquag yuav mus de txooj tshuaj iab tuaj nraum toj, nuj xib nuj toog tub sis nquag ua lub siab nyhav, nuj xib nuj toog tub sis nquag rov los txog koj li ntiag rooj, ntiag ntsa ploj. Koj niam, koj txiv yuav mus txib nuj xib nuj toog tub sis nquag yuav mus de txooj tshuaj iab tuaj nraum tsuag, nuj xib nuj toog tub sis nquag ua lub siab nyhav nuj xib nuj toog tub sis nquag rov los txog, koj li ntiag rooj, ntiag ntsa tuag ib sub yua lees tub tuag. (yog liv sub, yom liv sub).
5. Lees tub tuag, koj yuav tuag daj los tuag tiag, tuag tseeb los tuag cuav, koj yuav tuag qas tiag, koj yuav tuag tu siav sis ywb sis yi tuaj ntawm ncauj, koj yuav tuag tu pa sis ywb sis yi tuaj ntawm lo, koj yuav ntim lub txiaj zag qas zim pw li ko tuaj ntawm ib sub yua, lees tub tuag, tig ntsej, tig muag los mloog qeej (qeev) ib sub yua, lees tub tuag. Hnub qab kaum

yim txheej ntuj dej dag puv ntiaj nrag, dej txeeb, av txeeb, txeeb yuav tau noob neej nce qaum ntuj, hnuh qab kaum yim txheej ntuj, dej av puv ntiaj nrag, dej txeeb, av txeeb txeeb yuav tau noob tsav nqis ntiaj nrag, ntxwj sib pes nyug siab tsis zoo tso yuav tau ib zaj mob dub poob li nthav kos tej ntshua siab kos li tuag los mus yuav tsis rais feb ib sub yuav lees tub tuag.

6. Ib yuab lees tub tuag. Koj yuav tuag tu siav sis ywb sis yi tuaj ntawm ncauj, koj ib yuav tuag tu pa sis ywb, sis yi tuaj ntawm los, koj ib yuav ntim lub txiaj zag qas zim pw li ko tuaj ntawm ib sub yua, tig ntsej tig muag los mloog qeej (qeev) lees tub tuag, tooj dag nrov sis zus tuaj tom ntej, tsov nyuj laug nywj lis laws tuaj tom qab, koj tsis tim ntshai, yuav yog koj kwv, koj tig, koj niam koj txiv ua koj pag, koj xau tuaj tom qab ib sub yua lees tub tuag. (yog liv sub yom liv sub).
7. Ib yuab lees tub tuag, koj yuav tuag tu siav sis ywb sis yi tuaj ntawm ncauj, tuag tu pa sis ywb, sis yi tuaj ntawm los, koj yuav ntim lub txiaj zag qas zim pw li ko tuaj ntawm ib yua lees tub tuag, tig ntsej, tig muag los mloog qeej sub yua lees tub tuag, dej dag txawm qhov twg? dej dag txawm nram tiaj, dej dub txawm qhov twg? dej dub txawm nram tus, yuav mus rhaub dej npau sis vog los peb ntxuav, yuav mus rau caww sis zus los peb leem (lee) peb yuav mus ntxuav sis zus lees tub tuag lub ntsej muag huv lis si lawm tub tuag teb ib sub yua. (yog liv sub yua yom liv sub yua).

NQE NO YOG NQE MUS UA DAB VAJ, DAB TSEV TSAUG.

8. Ib yuab lees tub tuag. koj yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov koj yuav rhais roj, rhais neev sis zus los mus txog niam txiv dab rooj lis txag, niam txiv dab rooj lis txag yuav ua daj sis zus thaiv koj kab, ua dos sis zus ntsuas koj npab, yuav ua daj sis zus thaiv koj kev, ua dos sis zus ntsuas koj cev, niam txiv dab rooj lis txag yuav tig ncauj, tig lus rov los hais, koj yuav yog hauv tsev tib pes neeg koj yuav ntim lub txiaj zag qas zim los mus ua dab tsi? Lees tub tuag, koj yuav tig ncauj, tiglus rov los hais, ib mob tuaj los nej tsis thaiv, ib tuag tuaj los nej tsis ntis, ua mob sis ntxiag tuaj nruab siab, ua noo sis ntxiag tuaj nruab cev, cuaj hauv neeb raws tsis cuag, yim hauv tshuaj kho tsis zoo, tsuj npuag ntaug sis zus, yuav ntim lub txiaj zag qas zim los mus cuag poj cuag yawg, koj yuav mus hais ua li no rau niam txiv dab rooj lis txag, niam txiv dab rooj lis txag tso ncauj, tso lus lis plhuav koj li rhais roj nruam los mus taus ib sub yua lees tub tuag. (hais txog nqe ua dab tsaug mas txawm ua tus dab twg tsaug los yeej hais tib yam li no xwb. Luag ua dab rooj txag, dab qhov cub, dab ncej tas, dab qhov txos, dab xwm kab, dab rooj tag niam txiv qab plag xua ces tas li xwb).
9. Ib yuab lees tub tuag. koj yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov lees tub tuag, koj yuav tawm lis

plaws tuaj nraum rooj, ntxwj sib pes nyug yuav laug ntaiv ntuj, ntaiv teb sis zus tuaj nraum rooj, koj yuav tawm lis plaws tuaj nraum ntsa, ntxwj sib pes nyug yuav laug ntaiv ntuj, ntaiv teb tuaj nraum ntsa, koj tsis tim ntshai, koj yuav mus nce ntxwj si**b** pes nyug tus ntaiv ntuj ntaiv teb koj li mus nrhiav tau koj pog, koj yawg ib sub yua lees tub tuag. Yog liv sub yua, yom liv sub yua.

10. Ib yuab lees tub tuag. Koj yuav noj laub qaib siab ntxuag laub qaib plaw, koj yuav nrog lau qaib thooj siab koj qaib seev sis yees ua koj ntej, koj seev sis yees lawv koj qaib qab, koj yuav mus nce ntxwj sib pes nyug tus ntaiv ntuj, ntaiv teb koj yuav nce sis hlo mus txog toj peg qas lias toj tshav kub, teb peg qas lias teb tshav sov sov tis ua sov koj tsis tim ntshai koj teg pes lauj muab koj kaus ntaub, kaus ntawv los kwv koj li rhais roj sis nruam los mus taus ib sub yua lees tub tuag.
11. Lees tub tuag. Koj yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov, koj yuav nce sis hlo mus txog ntxwj sib pes nyug toj peg qas lias toj kab ntsig, teb peg qas lias teb kab no, toj kab ntsig dhia lis rhees luaj thav yaj, teb kab no dhia lis rhees luaj thav tthis koj tsis tim ntshai, koj nco lis ntsoov muab koj ib khau maj khau lis ntuag rov los rau koj li rhais roj nruam los mus taus ib sub yua lees tub tuag. Yog liv sub yom liv sub .

12. Lees tub tuag, koj yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov koj yuav nce sis hlo mus txog ntxwj sib pes nyug toj peg qas lias ncauj zag tsov sis lo yuav rua ncauj lis ruav thaiv koj kab, rua lo lis ras thaiv koj kev, koj tsis tim ntshai, koj yuav teg pes lauj nkaus lis hlo tes tsos maj, tsos lis ntuag ntsaws lis ntso ncauj zag tsov sis lo, yuav qos ncauj, qos lo sis nti koj li rhais roj lis nruam los mus taus ib sub yua lees tub tuag.
13. Lees tub tusg, koj yuav ntim lub txiaj zag qas zim rhais roj sis zus koj yuav mus rhais neev sis zus koj yuav rov, koj yuav nce sis hlo mus txog ntxwj sib pes nyug toj tsaus huab, teb tsaus nag, koj yuav mus hnov tsov nyuj laug nywj lis qaws tuaj tom ntej, tooj dag nrov sis zus tuaj tom qab, kooj ziag kab sis zaug ntxhee sis txias ob cag tuaj, koj tsis tim ntshai, yuav yog koj kwv, koj tig, koj niam koj txiv ua koj pag koj xau rov tuaj tom qab ib sub yua lees tub tuag.
14. Lees tub tuag, koj yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov, koj yuav nce sis hlo mus txog ntxwj sib pes nyug chaw ua daj, ua lis luag koj tsis tim mus nrog luag ua daj, ua lis luag koj li mus nrhiav tau koj pog, koj yawg ib sub yua lees tub tuag .
15. Lees tub tuag, koj yuav ntim lub txiaj zag qas zim rhais roj sis zus koj yuav, rhais neev sis zus koj yuav rov koj yuav nce sis hlo mus txog ntxwj sib pes nyug hav pas dej iab, koj yuav mus ce niaj peb teg peb lis

taus rov rau neej, ce niaj peb teg peb lis taus rov rau dab, koj yuav mus ce niaj peb teg peb lis taus rov rau koj, koj li mus nrhiav tau koj pog, koj yawg ib sub yua lees tub tuag, yog liv sub yom liv sub.

16. Lees tub tuag, koj yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov koj yuav nce sis hlo mus txog ntxwj sib pes nyug cuaj caum cuaj txog kab, yim caum yim txoj kev mus tim toj, yog txoj kev mus cuag poj, txoj kev mus nram hav yog txoj kev mus ua luam nyuj luam nees, koj yuav mus txoj kev tim toj koj li mus nrhiav tau koj pog koj yawg ib sub yua lees tub tuag. yog liv sub yom liv sub.
17. Lees tub tuag, koj yuav ntim lub txiaj zag qas zim rhais roj sis zus koj yuav mus rhais neev sis zus koj yuav rov lees tub tuag koj yuav noj lau qaib siab ntxuag lau qaib plawv, koj yuav nrog lau qaib thooj siab, nce sis hlo tuaj pem ntuj tshav ntuj tuaj sib lug koj yuav nraim sis ntshis lau qaib tis, yuav los nag tsaus sis nti koj yuav nraim sis ntshis lau qaib tw, koj qaib seev sis yees ua koj ntej koj seev sis yees lawv koj qaib qab, koj seev sis yees mus txog koj pog koj yawg, koj qaib qua luag qaib teb tsis yog koj pog koj yawg, luag qaib qua koj qaib teb li yog koj pog koj yawg ib sub yua lees tub tuag .
18. Lees tub tuag, koj seev sis yees mus txog koj pog koj yawg koj pog koj yawg yuav nug hais tias leej qas twg xa koj tuaj, koj yuav hais tias: Kooj ziag kab sis zaug xa koj tuaj kooj ziag kab sis zaug xa lees

tub tuag mus txog koj pog koj yawg tej yas' kab koj pog koj yawg yuav ntaus kooj ziag kab sis zaug ntsuj qas plig rov fib qab. Kooj ziag kab sis zaug yuav xa lees tub tuag mus txog koj pog koj yawg tej yas kev, koj pog koj yawg yuav ntaus kooj ziag kab sis zaug ntsuj qas plig rov fib tsev sub yuā lees tub tuag. Yog liv sub yom liv sub.

HAIS TXOG ZAJ QEEJ TU SIAV MAS TAS LI NO XWB.

NTAWM NO MUS YOG ZAIS ROJ, ZAIS NEEV ROV QAB.

19. Lees tub tuag, koj ib yuav tuag xyab tes, xyab taw sis zus nrog neej dab nees pes txaig pw li ko tuaj nram i nkauj qeeg nrov nkauj qeeg yuav ntswj ntiv tes pes lias tuaj nram i yuav cais qeej cais nruas cia, them leem! tum lum luab qeev lum tuag luab. Ib yuab lees tub tuag (rov tshuab qhov qub mus ntxiv).

Touger Leepalao

ZAJ QEEJ TSA NEES.

1/ Ib yuab lees tub tuag koj yuav tuag tu siav sis ywb sis yi tuaj ntawm ncauj, tuag tu pa sis ywb, sis yi tuaj ntawm lo lees tub tuag, koj yuav ntim lub txiaj zag qas zim pw li ko tuaj nrab tsev ib sub yua lees tub tuag, koj ib nees zaj ntxhee sis txias tuaj tim toj, koj ib nees luav ntxhee sis txias tuaj tim i sub yua lees tub tuag.

Koj kwv, koj tig lees tub ntug zej yuav mus cab koj ib nees zaj ntauuj lis thawv tuaj nrauj rooj, koj kwv, koj tig lees tub ntug zej yuav mus cab koj ib nees luav ntauuj lis thawv tuaj nrauj ntsa ib sub yua lees tub tuag, yuav tig ntsej los mloog, tig muag los saib ib sub yua lees tub tuag. Yog liv sub, yom liv sub.

2/ Ib yuab lees tub tuag, koj ib yuav ntim lub txiaj zag qas zim pw lis ko tuaj nrab tsev ib sub yua lees tub tuag tig ntsej sis zus los mloog, tig muag sis zus rov los saib ib sub yua lees tub tuag, koj ib nees zaj ntauuj lis thawv los nrab tsev lees tub tuag, koj ib nees zaj cug pwg lis rawv yuav los tos koj ib sub, koj ib nees luav cug pwg lis rawv yuav los tos lees tub tuag ib sub yua lees tub tuag, koj kwv, koj tig txiv coj dab teg pes lauj tuav txhib ntawg, lauj xib pes nas ce niag khob cawv ntawg sis nnrb, sis nrawv neej dab nees pes txaig ua koj tug ib sub yuav lees tub tuag sawv lis tsees nees zaj duab, nce sis hlo nees luav qaum yuav caij nees sis ntws pauj dab, pauj qhuas sis zus tuaj pem ib sub yua lees tub tuag. Yog liv sub, yom liv sub.

Tas li no.

ZAJ QEEJ HLAJV NTAJV LOS SIS COB TSIAJ.

1. Lees tub tuag koj ib yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov, lees tub tuag, koj ib yuav tos tau koj tub, koj kiv, koj kwv, koj tig yuav muaj siab sis zus nkaus sis hlo ib txiaj ntaub, txiaj ntawv ua koj tug, lees tub tuag koj kwv koj tig txiv coj dab teg pes lauj tuav txhib ntawg, lauj xib pes nas ce niaj khob cawv ntawg sis nrwb, sis nrawv txiaj ntaub, txiaj ntawv lees tub tuag tes npoo ncoo sub yua. Yog liv sub yua yom liv sub yua. [(Cais qeej los ua xub tag mam tshuab tshooj ob) (2)]
2. Lees tub tuag, ntuj tiag teb lis tus los nrab tsev sub yua lees tub tuag, yuav tig ntsej los mloog, tig muag sis zus los saib yua, ib txiaj ntaub txiaj ntawv ntxhee sis txias los ua koj tug, lees tub tuag, teg pes lauj los txais txiaj xyab, lauj pes nas los txais txiaj ntawv yuav coj mus ua koj yaig koj luag lawm ntuj tiag teb lis tus los nrab tsev ib sub yua.
Tag li no xwb.

ZAJ QEEJ HMO, TSHAIS THIAB SU.

1. Ib yuab, ib yuab lees tub tuag koj ib yuab kho txaj kho chaw lis khuav los nrab tsev sub yua, koj ib yuab kho txaj, kho chaw lis khuab los nrab tag ib sub yua lees tūb tuag, koj ib yuab nrog ntoo maj sis puag ntub, koj ib yuab nrog ntoo tov sis puag pw sub yua lees tub tuag, tav caij sis zus caij yuav noj hmo, qhuab tshoob, qhuab kum ntxhee sis txias yuav noj hmo, lees tub tuag, koj kwv yua, koj tig txiv coj dab teg pes lauj tuav txhib ntawg, lauj xib pes nas ce niaj khob cawv ntawg sis nrwb, sis nrawv lees tub tuag tes npoo ncoo, lees tub tuag sawv lis tsees los txais cia sub yua yog liv sub, yom liv sub.
2. Ib yuab lees tub tuag, ntuj tiag teb lis tus los nrab tsev sub yua, lees tub tuag, tig ntsej, tig muag los ib oob sub yua lees tub tuag, noj tsis taus txais pes lias tseg, haus tsis taus txais pes lias cia, noj tsis taus txais pes lias tej qab diav, haus tsis taus txais pes lias tej qab khob, noj tsis taus txais pes lias rov mus pub poj pub yawg sawv nrog noj, haus tsis taus txais pes lias rov mus pub poj pub yawg sawv nrog haus, yuav mus dia koj pog, koj yawg tej qab tiab, tej qab tsho lawm ntuj tiag teb lis tus los nrab tsev sub yua, yog liv sub, yom liv sub.

Z AIS ROJ Z AIS NEEV ROV QAB.

Them leem tum tuj luab, qeev lum tuag luab ib yuab lees tub tuag koj tuag xyab tes, xyab taw sis zus nrog neej dab nees pes txaig pw lis kob tuaj ntawd I nkauj qeeg nrov nkauj qeeg ntswj ntiv tes sis lias tuaj nram I, yuab cais qeej, cais nruas cia sub yua, them leem tum luj luab qeev lum tuag luab ib yuab lees tub tuag, koj tuag xyab tes, xyab taw sis zus nrog neej dab nees pes txaig pw lis kob tuaj ntawd twg, nkauj qeeg nrov, nkauj qeeg ntswj ntiv tes sis lias tuaj nram twg, yuab cais qeej cais nruas tseg, them leem tum luj luab qeev lum tuag luab mus haub mus haub.

Tas li no xwb.

Major Tougeu Leepalao

ZAJ QEEJ HLAJV NTAJV LOS SIS COB TSIAJ.

1. Lees tub tuag koj ib yuav ntim lub txiaj zag qas zim rhais roj sis zus koj yuav mus, rhais neev sis zus koj yuav rov, lees tub tuag, koj ib yuav tos tau koj tub, koj kiv, koj kwv, koj tig yuav muaj siab sis zus nkaus sis hlo ib txiaj ntaub, txiaj ntawv ua koj tug, lees tub tuag koj kwv koj tig txiv coj dab teg pes lauj tuav txhib ntawg, lauj xib pes nas ce niaj khob cawv ntawg sis nrwb, sis nrawv txiaj ntaub, txiaj ntawv lees tub tuag tes npoo nc oo sub yua. Yog liv sub yua yom liv sub yua. [(Cais qeej los ua xub tag mam tshuab tshooj ob) (2)]
2. Lees tub tuag, ntuj tiag teb lis tus los nrab tsev sub yua lees tub tuag, yuav tig ntsej los mloog, tig muag sis zus los saib yua, ib txiaj ntaub txiaj ntawv ntxhee sis txias los ua koj tug, lees tub tuag, teg pes lauj los txais txiaj xyab, lauj pes nas los txais txiaj ntawv yuav coj mus ua koj yaig koj luag lawm ntuj tiag teb lis tus los nrab tsev ib sub yua.

Tag li no xwb.

ZAIS ROJ ZAIS NEEV ROV QAB.

Them leem tum tuj luab, qeev lum tuag luab ib yuab lees tub tuag koj tuag xyab tes, xyab taw sis zus nrog neej dab nees pes txaig pw lis kob tuaj ntawd I nkauj qeeg nrov nkauj qeeg ntswj ntiv tes sis lias tuaj nram I, yuab cais qeej, cais nruas cia sub yua, them leem tum luj luab qeev lum tuag luab ib yuab lees tub tuag, koj tuag xyab tes, xyab taw sis zus nrog neej dab nees pes txaig pw lis kob tuaj ntawd twg, nkauj qeeg nrov, nkauj qeeg ntswj ntiv tes sis lias tuaj nram twg, yuab cais qeej cais nruas tseg, them leem tum luj luab qeev lum tuag luab mus haub mus haub.

Tas li no xwb.

Major Tougeu Leepalao

ZAJ QEEJ SAWV KEV

- 1/ Lees tub tuag, tav caij sis zus caij sawv kab, tav nyug sis zus nyug sawv kev, lees tub tuag koj kwv koj tig txiv coj dab teg pes lauj tuav txhib ntawg, lauj xib pes nas ce nias khob cawv ntawg sis nrwb, sis nrawv ua txoj caaw sis zus txoj sawv kev ib sub yua lees tub tuag, koj yuav ncoj hau lis thawv ncaws hau lis nco seev sis yees los mus koj vag koj tsev tshiab ib sub yua yog liv sub yom liv sub.
- 2/ Lees tub tuag, tav caij sis zus caij sawv kab, tav nyug sis zus nyug sawv kev, lees tub tuag koj yuav ncoj hau lis thawv ncaws hau lis nco seev sis yees los mus koj vag koj tsev tshiab Koj yuav seev sis yees los txog niam txiv dab rooj lis txag, niam txiv dab rooj lis txag yuav ua daj sis zus thaiv koj kab ua dos sis zus thaiv koj kev, niam txiv dab rooj lis txag yuav tig ncauj, tig lus rov los hais, koj yuav yog hauv tsev tib pes neeg koj yuav ntim lub txiaj zag qas zim los mus ua dab tsi, lees tub tuag, koj yuav tig ncauj, tig lus rov los hais, ib mob tuaj los nej tsis thaiv, ib tuag tuaj los nej tsis ntiis ua mob sis ntxiag tuaj nruab siab ua hoo sis ntxiag tuaj nruab cev cuaj hauv neeb raws tsis cuag, yim hauv tshuaj kho tsis zoo tsuj npuag ntaug, yuav ntim lub txiaj zag qas zim los mus cuag poj dia yawg, koj yuav mus hais ua li no rau niam txiv dab rooj lis txag niam txiv dab rooj lis txag tso ncauj, tso lus lis plhuav koj li rhais roj nruam los mus taus ib sub yuab lees tub tuag.

3/ Lees tub tuag, tav caij sis zus caij sawv kab, tav nyug sis zus nyug sawv kev, koj yuav ncoj hau lis thawv ncaws hau lis nco seev sis yees los mus koj vag koj tsev tshiab yua lees tub tuag, koj yuav tig ntsej sis zus ntsia tim toj, tim toj nraug sis zees rov tawg paj, koj yuav tig muag sis zus ntsia tim hav tim hav nraug sis zees rov txi txiv sub yua lees tub tuag koj yuav ncoj hau lis thawv ncaws hau lis nco seev sis yees los mus koj vag koj tsev tshiab, koj yuav tig ntsej tig muag sis zus ntsia tom ntej, tom ntej tshav ntuj tuaj sib lug yua lees tub tuag, koj yuav seev sis yees los mus koj vag koj tsev tshiab ib sub yua, yog liv sub yua, yom liv sub yua.

NTAWM NO MUS YOG ZAJ ZAIS ROJ, ZAIS NEEV ROV QAB.

19/ Lees tub tuag, koj ib yuav tuag xyab tes, xyab taw sis zus nrog neej dab nees pes txaig pw li ko tuaj nram i nkauj qeeg nrov nkauj qeeg yuav ntswj ntiv tes pes lias tuaj nram i yuav cais qeej cais nruas cia, them leem ! Tum lum luab qeev lum tuag luab. Ib yuab lees tub tuag. (rov tshuab qhov qub mus ntxiv)

MAJOR TOUGEU LEEPALAO